



LAER VOLKSKOOL

BOODSKAP VAN DIE SKOOLHOOF

Laer Volksskool is in 1922 gestig as die eerste Afrikaansmedium skool in die ou Kaapland en die tweede oudste in die land.

C.J. Langenhoven het die skool se leuse – ONS SAL HANDHAAF – voorgestel en die skool het sodanig gegroei dat die Hoër- en Laer Volkskole sedert 1954 apart van mekaar funksioneer. Tog is die skole steeds nou verbind aan mekaar in hul doel en strewe.

As opvoedkundige instelling is ons baie trots op ons akademiese standaard en prestasies. Ons stel 'n hoë premie op die akademiese ingesteldheid en harde werk van elkeen van ons leerders. Dit geld ook op die buitemuurse terrein waar ons leerders ook hul merk maak as ware ambassadeurs van Laer Volksskool.

Laer Volksskool nooi jou uit om by ons spogskool 'n leerder te word. Harde werk en hope pret is jou voorland en as jy 'n Volksie Gesie is, is jy 'n wenner!!

D. Joubert

(Skoolhoof)

VISIE

Laer Volksskool streef om die toonaangewende Christelike Afrikaansmedium skool in die streek en provinsie te wees. Dit wil ons bereik deur elke leerder toe te rus vir verdere studie sodat hy/sy ons skool met selfvertroue en 'n toekomsvisie kan verlaat.

MISSIE

In die daarstelling van uitnemende onderrig en opvoeding op 'n holistiese grondslag onderneem Laer Volksskool om ware Christelike waardes uit te leef en uit te bou.

TOELATINGSKRITERIA

- Voorkeur sal gegee word aan leerders binne Laer Volksskool se natuurlike voedingsarea.
- 'n Leerder sal nie toegelaat word sonder 'n amptelike oorplasings-sertifikaat en bewese skolastiese record nie. (Graad 1 uitgesluit)
- Navrae oor gedrag by skole van herkoms sal onderneem word.
- Maksimum ouderdom per graad soos omskryf in die S.A. Skolewet No.84 van 1996 sal toegepas word.
- Aanvaarding van Afrikaans as onderrigtaal.



LAER VOLKSKOOL

LEERLINGE

‘n Leerder van Laer Volkskool:

Gebruik sy/haar talente ten volle op akademiese, sport en kultuur gebied.

Streef na die handhawing van Christelike waardes.

Is trots op Afrikaans as taal- en kultuurerfenis.

Streef na die handhawing en uitbouing van Afrikaans as taal- en kultuurerfenis.

Is trots op Laer Volkskool en tree altyd as ambassadeur op.

Is te alle tye netjies en hoflik en tree bedagsaam teenoor almal op.

Tree altyd met eerbied en respek op teenoor almal.



HOEKOM WIL EK ‘N VOLKSIE WEES ?

Die vraag “Hoekom wil ek ‘n Volkskool Gesie word?” is die maklikste vraag om te antwoord.

- Laer Volkskool is op Christelike waardes gebou.
- Ons is ‘n Afrikaansmedium skool.
- Hier is akademiese onderrig van wêreldgehalte.
- Onderwysers is passievol, hulpvaardig en goed opgelei.
- Die sportafrigters is van hoë gehalte en toegewyd.
- Ons het kultuur vir almal.
- Ons het ‘n netjiese en uitstekende koshuis.
- Dit is ‘n omgewing van dissipline en respek.
- Die skoolgelde is bekostigbaar.
- Dit is sommer net lekker hier by ons!



LAER VOLKSKOOL

TOELATINGSPROSEDURE EN VEREISTES

- Toelating geskied op skriftelike aansoek en met aanvaarding van en voldoening aan die skool se vereistes.
- Ten einde hoë opvoedkundige en onderwysstandaarde te handhaaf en effektief n ate streef is die betaling van skoolgelde verpligtend en wetlik afdwingbaar.
- Ouers en leerders onderteken 'n vorm waarin die toelatings-vereistes en die verpligtinge wat dit meebring aanvaar en onderneem om daarby te hou.

Onderneming deur leerders.

- Om die Christelike etos van die skool te eerbiedig.
- Dat die onderrig- en voertaal van die skool Afrikaans is.
- Om die akademiese standaarde wat gestel word n ate streef
- Om werksopdragte pligsgetrou en op tyd uit te voer.
- Die gesag en dissipline van die skoolhoof en opvoeders te aanvaar
- Indien meegaande onderneming nie gehandhaaf word nie, sal my voortgesette toelating tot Laer Volksskool heroorweeg word.

Onderneming deur ouers / voog

- Om toe te sien dat hul kinders in die erkende en voorgeskrewe skooldrag geklee is.
- Om te verseker dat hul kinders se algemene voorkoms en netheid voldoen aan die voorgeskrewe reels van die skool.
- Om te verseker dat hul kinders betyds is vir die skooldag.
- Om nie hul kinders uit die skool te hou behalwe in uitsonderlike gevalle en wel met kennisname van die skoolhoof.
- Om skoolgeld te betaal op die wyse, tydstip en bedrag soos deur die Beheerliggaam bepaal.
- Om verantwoordelikheid te neem vir hul kinders se basiese opvoeding en gedrag.



LAER VOLKSKOOL

GEDRAGSKODE VIR LEERDERS

Soos opgestel deur:

Laer Volkskool Beheerliggaam in oorleg met die leerders, bestuurspan, opvoeders en ouers volgens:

1. Die Grondwet van die Republiek van Suid-Afrika (Wet no. 108 van 1996)
2. Suid-Afrikaanse Skolewet (Wet no. 84 van 1996)
3. Provinsiale regulasies aangaande skorsing en dissiplinêre gedragskodes.

INLEIDING

Volgens die skool se gedragskode dien die volgende beginsels, filosofie en etos soos vervat in die Suid-Afrikaanse Skolewet 84 van 1996 as riglyne.

Die Suid-Afrikaanse Skolewet 84 van 1996 bepaal in Artikel 8(1) die volgende:

Behoudens enige toepaslike provinsiale wet moet 'n beheerliggaam van 'n openbare skool 'n gedragskode vir leerders aanvaar na oorleg met die leerders, ouers en opvoeders van die skool.

'n Gedragskode soos in subartikel (1) bedoel, moet daarop gemik wees om 'n gedissiplineerde en doelgerigte skoolomgewing, wat toegewy is aan die bevordering en instandhouding van die gehalte van die leerproses, te vestig.

Die minister kan, na oorlegpleging met die Raad van Onderwysministers, riglyne bepaal vir oorweging deur beheerliggame in die aanvaarding van 'n gedragskode vir leerders.

Geen bepaling van hierdie wet stel 'n leerder vry van die verpligting om die gedragskode van die skool, wat deur sodanige leerder bygewoon word, na te kom nie.

'n Gedragskode moet bepalinge van 'n behoorlike regsproses bevat om die belange van die leerder en enige party wat by dissiplinêre handeling betrokke is, te beskerm.

Die reg van leerders tot basiese onderrig plaas die verantwoordelikheid op die leerder om gereeld skool by te woon gedurende skoolure. Indien 'n



LAER VOLKSKOOL

leerder afwesig is/gaan wees moet die leerder se ouer/voog die skool in kennis stel van die rede daarvoor.

Die finale verantwoordelikheid van 'n leerder se optrede berus by sy ouers/voog.

Geen persoon mag by 'n skool lyfstraf aan 'n leerder toedien nie.

Die negering van die skool se dissiplinêre gedragkode kan lei tot die permanente uitsluiting van die leerder.

Die Beheerliggaam, skoolhoof en opvoeders moet elke oortreding op meriete hanteer, sonder die benadeling van die leerder se regte.

REËLS VIR DETENSIE

Die detensieklasse is as volg: Vrydae: 13:45 tot 15:45

Elke leerder moet die detensiekennisgewing persoonlik onderteken en ook deur sy/haar ouers/voog laat teken. Dit moet dan aan die skool terugbesorg word.

Geen voedsel of drinkgoed sal in die lokaal toegelaat word nie.

Geen praterij of hulpverlening sal in die lokaal toegelaat word nie.

Normale reëls vir skooldrag en gedrag, sal geld.

Leerders moet vir die volle duur van die klas konstruktief besig wees.

Oortredings in/afwesigheid van 'n detensieklas impliseer dat 'n leerder nie die gesag van die skool aanvaar nie en sal daar dienooreenkomstig teen hom/haar opgetree word.

Die bywoning van die detensieklas is te alle tye die prioriteit en verantwoordelikheid van die oortreder en sy/haar ouers/voog.

SKOOLREËLS

1. SKOOL- EN KLASBYWONING

- 1.1 Skool- en klasbywoning is verpligtend.
- 1.2 'n Afwesigheidsbrief moet deur 'n ouer/voog ingedien word om afwesigheid te motiveer. 'n Mediese sertifikaat word na 3 dae vereis.
- 1.3 Indien 'n eksamen- of toetsvraestel nie geskryf kan word nie moet 'n mediese sertifikaat ingedien word. Indien nie sal die leerder 0% kry vir die toets – of eksamenvraestel. Geen toets of eksamen kan geskuif word nie.
- 1.4 Leerlinge mag nie die skoolterrein verlaat sonder skriftelike toestemming van 'n die skoolhoof nie.
- 1.5 Leerlinge wat die skoolterrein verlaat moet by die kantoor deur sy/haar ouer/voog uitgeteken word.
- 1.6 Leerlinge moet betyds vir skool en skoolaktiwiteite arriveer.



LAER VOLKSKOOL

2. GEDRAG IN DIE KLASKAMER EN SKOOL

- 2.1 Onvanpaste gedrag en/of ontstigtelike gedrag is onaanvaarbaar.
- 2.2 Openlike diskriminasie teen enige persoon by die skool is onaanvaarbaar.
- 2.3 Leerlinge mag nie betrokke raak by enige vorm van viktimisasie nie.
- 2.4 Geen leerling mag deur 'n ander leerling gedreig word nie.
- 2.5 Geen leerling mag 'n ander leerling doelbewus beseer nie.
- 2.6 Leerlinge mag nie betrokke raak by enige vorm van gedrag waardeur die veiligheid, moraal, gesondheid of welsyn van ander leerder in gevaar gestel word nie.
- 2.7 Gedrag in die klaskamer, tydens saalbyeenkomste, of enige ander area in die skool moet sodanig wees dat die leerproses van ander leerlinge onder geen omstandighede versteur word nie.

3. ALGEMENE KLASKAMERREËLS

- 3.1 Aan die begin van elke klas staan leerlinge op en groet die personeel.
- 3.2 Indien ouers, ander personeel of besoekers by 'n klas opdaag staan leerlinge ook op om te groet.
- 3.3 Reageer dadelik op 'n opdrag.
- 3.4 Geen leerling praat, staan of loop rond in die klas is nie.

- 3.5 Leerlinge verlaat nie 'n klas voordat 'n personeellid hulle verdaag het of instruksie in die verband gegee het nie.
- 3.6 Indien 'n leerling aandag wil hê moet hy sy hand opsteek.
- 3.7 Alle klasopdragte moet stiptelik en betyds voltooi word.
- 3.8 Elke leerling se gedrag moet sodanig wees dat dit nie steurend is nie.
- 3.9 Tydens aankondigings oor die interkom moet leerlinge stilbly en aandag gee.

4. REËLS IN DIE GANGE / STOEPE

- 4.1 Klaswisseling moet flink en ordelik geskied.
- 4.2 Leerling loop agtermekaar en flink en vinnig.
- 4.3 Geen laatkommery word geduld nie.
- 4.4 Daar word onmiddelik op die klokke gereageer.
- 4.5 Hou links by die trappe dan sal daar nie botsings wees nie.

5. REËLS IN DIE SAAL / KEWERTJIE

- 5.1 Ons skoolsaal is ons trots. Geen leerling mag binne die saal wees sonder toesig nie.
- 5.2 Leerlinge mag glad nie op die verhoog of agter die gordyne wees tensy in opdrag of onder toesig nie.
- 5.3 Ons stap netjies in rye saal toe, sonder om te gesels.



LAER VOLKSKOOL

6. ALGEMENE SINDELIKHEIDSREËLS

- 6.1 Leerlinge moet te alle tye toesien dat hulle skoon en netjies is.
- 6.2 Die skoolterrein, geboue en kleedkamers moet skoon en netjies gehou word.
- 6.3 Geen leerling mag verby vullis stap nie. Dit moet opgetel en in die naaste vullishouer geplaas word.
- 6.4 Die kou van kougom word nie op die skoolterrein toegelaat nie, asook nie tydens enige skoolaktiwiteit nie.
- 6.5 Die skooluniform en sportdrag soos voorgeskryf is die enigste drag wat by die skool toegelaat word.
- 6.6 Skooldrag moet skoon en netjies wees.
- 6.7 Alle besoekers en personeel word beleefd gegroet.
- 6.8 Leerlinge staan/groet nie met hande in hul sakke nie.

7. SKOOLWERK EN TUISWERK

- 7.1 Laer Volksskool is 'n opvoedkundige en akademiese instelling en daarom moet alle akademie voorrang geniet.
- 7.2 Onderrigtyd moet maksimaal deur leerlinge benut word. Selfwerksame takies, soos deur die opvoeders verskaf, moet selfstandig voltooi word.
- 7.3 Projekte en take asook enige ander opdrag met betrekking tot die akademie moet betyds ingehandig word. Laat inhandigings sonder

dat verskoning vooraf ontvang is sal, indien punte ter sake is, gepenaliseer word.

- 7.4 Die volgende akademiese wangedrag is onaanvaarbaar en strafbaar: Plagiat; kullery; afskrywery

8. DWELMS, ALKOHOL, ROOK, PORNOGRAFIE, OKKULTIESE MATERIAAL ENS.

- 8.1 Die besit, gebruik, verkoop en verspreiding of uitruiling van drank, sigarette, enige dwelm, pornografiese- of okkultiese materiaal, is ontoelaatbaar.
- 8.2 Die skryf van onweloweglike briewe is verbode.

9. TAALGEBRUIK

- 9.1 Swetsende, onsensitiewe en disrespekvolle taalgebruik sal teenoor geen persoon toegelaat word nie.
- 9.2 Geen onweloweglike taal mag op die terrain of in die klaskamer gebruik word nie.



LAER VOLKSKOOL

10. WAPENS

- 10.1 Die besit en/of gebruik van wapens, en voorwerpe of instrumente wat gebruik word om te beseer, word nie toegelaat nie.

11. SELFONE

- 11.1 Leerlinge mag nie selfone skool toe bring nie. Leerlinge wat hierdie reëling oortree se selfoon mag vir 'n tydperk gekonfiskeer word.
- 11.2 Indien 'n spesiale versoek toegestaan word mag die selfoon nie in die klaskamer, of enige formele byeenkoms gebruik word nie.

12. REËLS MET BETREKKING TOT KOMMUNIKASIE

- 12.1 Skriftelike briewe en kennisgewings moet betyds aan ouers gegee word. Antwoordstrokies moet betyds ingehandig word.
- 12.2 Die skool se telefone mag slegs in spesiale of noodgevalle gebruik word.
- 12.3 Leerlinge mag nie selfone skool toe bring nie.

13. ALGEMENE VEILIGHEID

- 13.1 Padveiligheidsreëls moet stiptelik deur ouers en leerlinge toegepas word.
- 13.2 Skolierpatroolie lede moet gehoorsaam word.

14. REËLS IN DIE KLEEDKAMERS

- 14.1 Gedurende pouses/klastyd gebruik leerlinge die kleedkamers op ongekontroleerde basis.
- 14.2 Leerlinge mag nie rond drentel by die kleedkamers nie, maar moet dadelik terugbeweeg na die speelterrein of klas.
- 14.3 Die optrede van 'n kind binne die kleedkamers moet strook met die vereistes wat vir ons gemeenskap aanvaarbaar is en mag nooit vir die ander leerlinge 'n verleentheid skep nie.
- 14.4 Higiëne en netheid is van die uiterste belang, elke leerling wat die kleedkamer gebruik, het 'n verantwoordelikheid om dit netjies agter te laat.

15. REËLS MET BETREKKING TOT FIETSE

- 15.1 Fietsry op die skoolterrein is verbode.
- 15.2 Sodra jy binne die skoolgronde is, moet fiets gestoot word.
- 15.3 Fietse moet ten alle tye gesluit gelaat word in die fietsloods.



LAER VOLKSKOOL

SKOOLDRAG:

SOMERDRAG	
SEUNS	DOGTERS
Grys oopnekhemp	Skoolrok
Grys kortbroek	
Grys kouse met skoolstrepe	Wit sokkies
Swart skoene	Swart skoene
V-net trui	V-nek trui
Skoene en kouse hoef nie in die somer gedra te word nie, wel in die winter(Gr 1-7) en vir Saalopeninge	Skoene en kouse hoef nie in die somer gedra te word nie, wel in die winter(Gr 1-7) en vir Saalopeninge
	Haarknippies/rekkies: swart, wit/maroen Slegs goue/silwer studs mag gedra word
WINTERDRAG	
SEUNS	DOGTERS
Grys dashemp	Wit dashemp
Das	Das
V-nek trui	V-nek trui
Maroen LVS windjekker	Maroen LVS windjekker
Grys langbroek	Maroen broek
Grys kouse	Kuitkouse - maroen
Swart skoene	Swart skoene
Serp – wit/swart/maroen (Opsioneel)	Serp – wit/swart/maroen (Opsioneel)
	Haarknippies/rekkies: swart, wit/maroen Slegs goue/silwer studs mag gedra word

L.O. DRAG	
SEUNS	DOGTERS
Swart Volksskool T-hemp	Swart Volksskool T-hemp
Swart broek	Maroen broek
Skoolsweetpakke kan in winter gedra word (met tekkies)	Skoolsweetpakke kan in winter gedra word (met tekkies)
SPORTDRAG	
SEUNS	DOGTERS
WEDSTRYDDRAG	
Atletiek (Buiten Kleurebyeenkoms)	Atletiek (Buiten Kleurebyeenkoms)
Wit Volksskool hemp/ Atletiek frokkie	Wit moulose Volksskool hemp
Swart rugbybroek/Swart Quantex broek	Maroen broek
Tennis	Tennis
Wit Volksskool hemp	Wit moulose Volksskool hemp
Swart Quantex broek	Maroen broekrump
Wit tennissokkies	Wit tennissokkies
Rugby	Hokkie
LVS Rugbytrui	Wit moulose Volksskool hemp
Swart Rugbybroek	Maroen broek
	Hokkie kouse (rugby)
Krieket	Netbal
Wit Volksskool hemp	Wit moulose Volksskool hemp
Wit rugbybroek	Maroenbroek (0/7; 0/8) Maroen broekrump (0/10-0/13)



LAER VOLKSKOOL

Rugbykouse	Wit skoolsokkies
Swem	Swem
Swart swembroek	Swart volswembroek (Speedo)
Swart swempet	Swart swempet
OEFENDRAG	
Let wel in Winter kom leerlinge met LVS sweetpakke na oefeninge en verdaag weer met sweetpakke.	
Hokkie / Tennis / Netbal / Atletiek	
LO drag	
Rugby	
Enige Rugbytrui	
Swart rugbybroek	
Skaak	
LO – kleres of sweetpak	

Wanneer leerders skoolsport ondersteun, moet LO drag in die somer en skoolsweetpakke in die winter gedra word.

Sweetpakbaadjies vorm nie deel van die skooldrag tydens skoolure nie, maar word uitsluitlik vir buitemuurse aktiwiteite aangetrek. Eerstespanbaadjies of provinsiale baadjies mag op 'n Vrydag aangetrek word. Eerstespanbaadjies mag ook op wedstryddae aangetrek word.

Aankoop van skoolklere

Skoolklere is te koop by die skool se klerewinkel wat geleë is by Hoër Volksskool.

Tye:	Maandae:	10h00 – 11h00
	Woensdae :	16h00 – 17h00
	Vrydae :	10h00 – 11h00

9. SPORT / KULTUUR

SPORT	KULTUUR	AKTIWITEITE BUITE SKOOLVERBAND
Atletiek	Drama	Ballet
Hokkie	Eisteddfod	Gimnastiek
Krieket	Kinderkrans	Landloop
Netbal	Koor	Redenaars
Rugby	Landsdiens	Ruiterkuns
Skaak	Musiek	Tweekamp
Swem	Tienerkrans	ATKV- Leesprojek
Tennis		

Ouers moet kinders aanmoedig om aan sport deel te neem.

Die sportprogram vir die jaar is soos volg:

9.1 Eerste en Vierde Kwartale

Atletiek, Swem, Krieket, Tennis Gr 1 – 3 en 1^{ste} en 2^{de} spanne

9.2 Tweede en Derde Kwartale

Rugby, Hokkie, Netbal, Skaak , Tennis 1^{ste} tot 4^{de} tennisspanne

9.3 Tweede Kwartaal tot Interskole in Derde Kwartaal

Atletiek, Swem, Tennis, Skaak, Landsdiens, Drama

9.4 Na Interskole tot aan die Einde van die Jaar

Atletiek, Swem, Tennis, Skaak en Landsdiens



LAER VOLKSKOOL

Aan die begin van elke kwartaal sal ouers ingelig word in verband met die oefentye en die wedstrydreëlings.

Dit is die verantwoordelikheid van elke ouer om toe te sien dat die kind se program nie oorlaai word nie.

Indien 'n leerling vir 'n sub-unie, provinsiale- of nasionale span gekies word, moet die betrokke ouer self die nodige reëlings tref en verantwoordelikheid aanvaar vir oefeninge, reisreëlings, kostes en dies meer.

10. SKOOLTYE

Skooltye sal op gereelde tye deurgegee word as gevolg van veranderings wat van tyd tot tyd mag plaasvind.

11. UITNODIGING

Aangesien die skool 'n oopdeur-beleid volg, word ouers hartlik uitgenooi om die skool te besoek in geval iets onduidelik mag wees of indien hulle 'n saak wil bespreek. Ons vertrou dat u en u kinders gelukkig sal wees by Laer Volkskool.

HUIS EYBERS: KOSHUISREËLS

1. AANMELDING

Na vakansies kan kosgangers op die volgende tye by die koshuis aanmeld.

1.1 Vanaf **16:00 tot 20:00** op die dag voor die skool begin, met dien verstande dat vooraf reëlings getref moet word met die koshuispersoneel.

1.2 Op die oggend as die skool begin.

Die kamer- en bedindeling sal aan die einde van elke jaar vir die volgende jaar gedoen word, deur die superintendent.

2. NAWEKE

Geen kinders word gedurende naweke in die koshuis gehuisves nie. Gedurende sportnaweke mag kinders die Vrydagaand in die koshuis bly, en na sport Saterdag moet hulle huis toe gaan.

3. BESOEK

Ouers mag nie in die kamers kuier nie. Ouers word slegs gedurende die volgende tye binne die kamers toegelaat.

Maandae : 06:30 - 08:30 op eerste dag van week

Vrydae : 12:00 - 14:00 op laaste dag van week

Alle ander tye slegs in voorportaal.



LAER VOLKSKOOL

Ouers word nie in kombuis, studiesaal, eetsaal, store, waskamer of enige ander lokale toegelaat nie.

'n Ouer mag nooit 'n ander kind as sy eie, aanspreek oor 'n probleem nie.

Alle probleme moet te alle tye so spoedig moontlik by die superintendent of skoolhoof aangemeld word.

4. VERLOF

- 4.1 Geen kosganger mag die hostel sonder verlof verlaat nie. Verlof dat die kind die koshuisterrein mag verlaat, sal alleenlik deur die superintendent, die hoofmatrone en ander matrones toegestaan word indien die ouer persoonlik so 'n versoek sou rig.

Indien ouers reël vir ekstra klasse of afrigting na skool en die koshuisterrein verlaat moet word, moet die superintendent skriftelik kennis kry van die dae en tye wat die kind die koshuisterrein sal verlaat. Wanneer die ouer dan sodanige kennis gee, word die koshuispersoneel van Huis Eybers, die skoolhoof en personeel van LVS, die Bestuursliggaam van LVS en die onderwysowerhede ipso facto gevrywaar van enige aanspreeklikheid ten opsigte van die kind se veiligheid.

- 4.2 Kosgangers moet elke naweek huis toe gaan.
- 4.3 Kosgangers word slegs toegelaat om met hulle ouers en slegs na studietyd, dorp toe te gaan. Verlof hiervoor mag by die

personeellid aan diens verkry word. Geen verlof sal gegee word om inkopies op hulle eie te gaan doen of mense in die dorp te besoek nie. Alleenlik vir 'n tandarts- of doktersafspraak sal verlof deur die superintendent gegee word.

5. TELEFOON.

- 5.1 Kosgangers mag telefoonoproepe maak en ontvang tydens die volgende tye:

Somertye

14:00 – 17:15

18:00 – 18:30

19:30 – 20:00

Wintertye

14:00 – 17:15

18:00 – 18:30

19:30 – 20:00

Dringende sake of reëlins kan met die superintendent bespreek of getref word by telefoon **049-8910806**.

6. GELD

Sakgeld moet verkieslik by die superintendent ingehandig word en daar sal geleentheid wees vir kosgangers om geld te trek. Geen verantwoordelikheid sal deur die koshuis aanvaar word vir geld wat uit die hostel wegraak nie.



LAER VOLKSKOOL

7. KASTE

Alle kaste is voorsien van oorslaggies en kosgangers moet hulle eie slotte voorsien, met 'n duplikaatsleutel wat in die koshuiskantoor bewaar sal word. Indien 'n sleutel wegraak en daar nie 'n duplikaat is nie, sal die slot afgeknip word. Ouers sal verantwoordelik wees vir die vervanging en breekskade.

8. KLERE

Alle klere moet met doopvoorletters en van gemerk wees.

Kleredrag

- 8.1 Behalwe vir deelname aan sport, verlaat die kosgangers die hostelgronde in netjiese skooldrag.
- 8.2 Etenstye moet almal netjies gekleed wees.

9. SNOEPWINKEL

Die snoepwinkel sal twee maal per dag oop wees vir leerlinge om snoeperye te koop.

10. STUDIETYE

- 10.1 Gereelde studietye elke dag, soos deur die superintendent vasgestel, onder toesig van diensdoenende personeellid.

- 10.2 Op studietye mag daar nie inbreuk gemaak word nie, Indien wel, slegs met toestemming van die superintendent.
- 10.3 Geen rondlopery sal in die studiesaal toegelaat word nie.
- 10.4 In die studiesaal **MOET** stilte heers.

11. STILTETYD

- 11.1 Soggens en saans word tyd afgesonder vir die private godsdiens van kosgangers. Almal moet in daardie tydperk absoluut stil wees – geen rondlopery nie.

12. TELEVISIE

- 12.1 Koste vir herstelwerk aan TV sal deur kosgangers gedra word.
- 12.2 Slegs met die toestemming van die superintendent sal kosgangers toegelaat word om na programme te kyk wat gedurende stilte, ete, of studietyd vertoon word.

13. KLAGTES EN SIEKTE.

- 13.1 Enige geregverdigde klagte teenoor mede-kosgangers, bediening, kos of toestande van kamers of geboue, moet by die superintendent of skoolhoof ingedien word.



LAER VOLKSKOOL

13.2 Elke geval van siekte moet dadelik deur kamermaats aan koshuisouers (en nie eerstens aan die kind se ouers nie) gerapporteer word. Indien die huisouers dit goeddink, sal hulle die kosganger se huisdokter of 'n ander dokter inroep op die ouer se koste. Enige ernstige siektegeval sal dadelik aan die ouers bekend gemaak word.

14. PERSONEEL

- 14.1 Kosgangers en ouers mag nie opdragte gee of inmeng met die pligte van die personeel nie.
- 14.2 Geen kosganger of ouer mag in die kombuis, spens, store, ens., ingaan nie.
- 14.3 Die privaatheid van personeel moet te alle tye gerespekteer word.
- 14.4 Daar is spesifieke personeel aangewys om gedurende die oggend, middag en aand na die graad 1's en 2's om te sien.

15. ALGEMEEN

15.1 Kamers en badkamers

- 15.1.1 Kosgangers mag nie in mekaar se kamers speel nie.
- 15.1.2 Elke kosganger moet elke oggend sy/haar bed netjies opmaak.
- 15.1.3 Leerlinge moet self kamers uitvee voor ontbyt. Elke kamer is voorsien van 'n besem en 'n skoppie vir die doel.
- 15.1.4 Alle kaste moet altyd netjies wees.
- 15.1.5 Kosgangers moet altyd betyds wees vir ete en studie.

15.1.6 In die badkamers word geen klere, handdoeke of iets dergliks gelaat nie.

15.1.7 Papiere en skille moet in afvalblikke gegooi word.

15.2 Ander

- 15.2.1 Geen kosganger mag voor die koshuisgebou speel nie.
- 15.2.2 Geen lawaai of spelery in die gebou nie.
- 15.2.3 Koshuiseiendom bv. eetgerei, stoele, komberse, bedspreie, ens. mag onder geen omstandighede verwyder word vanwaar hulle hoort nie.
- 15.2.4 Kosgangers wat musiek neem, mag op die hostelklavier oefen, volgens 'n rooster.
- 15.2.5 Geen dorpskinders mag sonder toestemming in of by die hostel kom nie.
- 15.2.6 Geen ouer mag binne die omheinde koshuisterrein parkeer nie.

Van elke kosganger word verwag om alles te doen om die netheid van die meubels, kamers, geboue en terrein en van hulle eie persoon te verseker.

Die superintendent kan sy/haar eie oordeel gebruik sover dit die toepassing van reëls betref, met goedkeuring van die komitee in ernstige gevalle.



LAER VOLKSKOOL

BENODIGDHEDE

Algemeen

Lakens	Kussing	Kussingslope
Komberse/Duvet	Badhanddoek	Handdoeke (klein)
Waslap	Wasgoedsak	Sporttoerusting
Toiletbenodigdhede	Tandeborsel	Seep
Bybel	Skoenpoetsbenodigdhede	

Klere

Die klere wat die kind koshuis toe bring, moet die volgende insluit:

Amptelike skooldrag, klere om in te speel, sportklere en nagklere. Elke ouer moet self besluit hoeveel skoon klere elke week vir die kind beskikbaar moet wees.

ONS FOTOS:



Fanie Viljoen, skrywer van bekende kinderboeke soos die “Slym”-reeks besoek ons.



Die tennisbane is gedurende die tweede kwartaal ogeknop en vertoon sommer spoggerig.



Laer Volksskool se eerste tree op die digitale landskap. Al die klasse is voorsien van 'n interaktiewe witbord en dataprojektor. Elke onderwyser kry 'n skootrekenaar asook opleiding in die gebruik van die stelsel (dit kan dalk vir van ons onnies 'n aanpassing wees né). Die aanbied van lesse sal eersdaags vir AL die leerders en onderwysers 'n nuwe dimensie betree.



Sonja Heroldt besoek Laer Volksskool op 9 Junie. Selfs die rugbymanne was deel van die pret en Tjokker was ook op die verhoog.